




**RESOLUCIÓN REITORAL DO 8 DE
FEBRERO DE 2011 DA UNIVERSIDADE DE
VIGO POLA QUE SE ABRE A
CONVOCATORIA DE BOISAS ERASMUS
PARA O CURSO 2011-12**

A Universidade de Vigo, como institución elixible para participar no programa Erasmus, asinou acordos bilaterais de intercambio de estudantes con outras institucións de ensino superior elixibles para participar neste programa durante o curso 2011-12, co obxectivo de mellorar a calidade do ensino superior e potenciar a dimensión europea, fomentado a cooperación transnacional entre universidades, estimulando a mobilidade europea e mellorando a transparencia e o recoñecemento académico de estudos.

En virtude destes acordos, esta Reitoría

RESOLVE

Publicar a convocatoria de bolsas ERASMUS para o curso 2011-12 destinadas a estudantes da Universidade de Vigo que estean conduccentes á obtención de títulos oficiais co fin de realizar estudos en diferentes universidades europeas coas que a Universidade de Vigo ten establecido Acordo Bilateral no marco do *Programa de Aprendizaxe Permanente*.



BASES DA CONVOCATORIA

1.- Requisitos dos/as solicitantes

1.1.- Requisitos xerais

Os requisitos xerais para todos os/as estudantes da Universidade de Vigo son os seguintes:

- O/a estudante deberá estar matriculado/a no curso 2010-11 na Universidade de Vigo. O/A estudante deberá matricularse na Universidade de Vigo no curso no que se realizará a estadia (2011-12), como mínimo no segundo curso de carreira, estar a realizar o proxecto fin de carreira ou ser estudante de terceiro ciclo.
- Ter un nivel de coñecemento do idioma esixido para o país de destino que lle permita desenvolver a actividade académica que vai realizar.
- Non ter sido beneficiario/a dunha bolsa Erasmus con anterioridade.
- Ser cidadá/n dalgún dos 27 países membros da UE, de Islandia, Liechtenstein e Noruega, ou dun país candidato á adhesión ou posuír o estatuto de residente permanente, de apátrida ou de refuxiado/a en España. Poderán participar aquelas persoas que, non sendo nacionais dun dos países participantes no PAP, o sexan de terceiros países e estean en

posesión dun permiso de residencia válido para residir en España durante o período de realización da mobilidade.

1.2.- Requisitos específicos para cada praza

Os criterios específicos de selección de cada centro da Universidade de Vigo deberán facerse públicos en cada un dos centros antes da selección dos/as estudantes e serán enviados á Oficina de Relacións Internacionais (ORI) polos/as responsables de relacións internacionais de cada centro.

Os requisitos específicos para cada unha das prazas aparecen detallados na relación de prazas ofrecidas.

2.- Duración do intercambio

A duración das bolsas non será inferior a tres meses nin superior a un curso académico (10 meses). A duración de cada praza vén establecida nos anexos.

3.- Financiamento

3.1.- Axuda Erasmus

É unha axuda financiada pola Unión Europea co obxecto de sufragar os gastos adicionais por estudar nunha universidade estranxeira. Non ten como finalidade cubrir a totalidade dos gastos dos estudos no estranxeiro.

A contía da bolsa Erasmus será fixada pola Universidade de Vigo tras a notificación por parte do Organismo Autónomo de Programas Educativos Europeos (OAPEE) dos criterios de adxudicación de bolsas para o curso 2011-12. A título informativo, a bolsa media do curso 2010-11 é de 120 euros por mes de estada.

A Universidade de Vigo consignou 700.000 euros na partida orzamentaria ORI121IDERA492 para financiar as bolsas Erasmus.

3.2.- Axuda complementaria da Universidade de Vigo

A Universidade de Vigo consignou 66.000 euros na partida orzamentaria ORI121IDERA492 fondos para outorgar unha axuda complementaria aos/as bolseiros/as Erasmus que gozarán dunha bolsa Erasmus durante o curso 2011-12.

Os/As bolseiros/as percibirán una axuda económica única máxima de 100 euros.

3.3.- Outras axudas complementarias

3.3.1.- Cursos Erasmus Intensive Language Courses (Cursos EILC)

O/A estudante seleccionado/a poderá solicitar unha bolsa para asistir a un curso de lingua intensivo antes de iniciar o seu período de estudos no estranxeiro.

A ORI deberá recibir as solicitudes no momento no que Axencia Nacional Erasmus indique, e desde a ORI serán enviadas ás institucións organizadoras.

O/A estudante non pagará taxas de matrícula no curso e recibirá unha bolsa adicional de 225 euros, contía que deberá ser confirmada polo OAPEE.

3.3.2.- Axuda complementaria do Ministerio de Educación

O Ministerio de Educación concederá axudas complementarias aos/as bolseiros/as Erasmus. A ORI informará aos/as estudantes sobre os criterios de adxudicación que serán determinados polo Ministerio.

3.3.3.- Axuda complementaria do Xunta de Galicia

A Xunta de Galicia concederá axudas complementarias aos/as bolseiros/as Erasmus. A ORI informará aos/as estudantes sobre a convocatoria que se publicará no DOG.

3.3.4.- Axuda complementaria da Deputación de Ourense

Os/As bolseiros/as Erasmus matriculados/as en centros do campus de Ourense recibirán unha axuda complementaria da Deputación de Ourense dun máximo de 50 euros por mes de estada na universidade de destino.

4 Solicitudes, prazos e lugar de presentación

O formulario de solicitude en liña estará dispoñible na páxina web da ORI (<http://internacional.uvigo.es>) ou en <https://webs.uvigo.es/ori/inscripciones2011.php>

O prazo de presentación de solicitudes finalizará o **18 de febreiro de 2011**. Os/as candidatos/as deberán imprimir dúas copias da solicitude e presentalas xunto coa documentación requirida en calquera dos rexistros da Universidade de Vigo ou por calquera outro medio previsto no artigo 38.4 da Lei 30/92, de 26 de novembro, modificada pola Lei 4/99 do 13 de xaneiro, de réxime xurídico das administracións públicas e do procedemento administrativo común.

A documentación que acompañará as solicitudes é:

- Dúas fotografías tamaño carné pegadas nos formularios de solicitude, unha en cada exemplar.
- Os/As estudantes de Belas Artes deberán presentar un proxecto artístico.
- Os/As estudantes da ETSE Industrial deberán presentar un escrito do/a(s) responsable(s) do(s) destino(s) que solicitan confirmando a idoneidade do/a candidato/a para o destino elixido.
- Certificacións de coñecementos de idiomas segundo o punto 5 desta convocatoria.
- Resgardo do ingreso efectuado para realizar as probas de idioma, se procede.

5.- Coñecemento de idiomas

O coñecemento do idioma empregado como lingua de ensino na universidade de destino valorarase no proceso de selección dos/as estudantes.

Algunhas universidades de destino contemplan entre os seus requisitos de admisión a acreditación de nivel de idioma.

Os coñecementos previos poderán acreditarse mediante a presentación das seguintes certificacións (niveis mínimos):

Inglés, nivel B2:

Marco Común Europeo de Referencia: nivel B2 (nivel avanzado da EOI ou 5º curso do plan vello ou acreditación expedida polo Centro de Linguas da Universidade de Vigo)

Cambridge First Certificate

Curso Diplomado Maestro, lingua estranxeira inglés

Trinity: grades 7, 8, 9

TOEFL: 61-79/173-210/500-547.

IELTS: nivel 5.0/5.5/6.0

Inglés, nivel B1:

Marco Común Europeo de Referencia: nivel B1 (nivel intermedio 2 da EOI ou 3º curso do plan vello ou acreditación expedida polo Centro de Linguas da Universidade de Vigo)

PET Cambridge

Trinity: nivel 5, 6

TOEFL: entre 45-60/133-170/450-497.

IELTS: nivel 3.5/4.0/4.5.

Alemán, nivel B1:

Marco Común Europeo de Referencia: nivel B1 (nivel intermedio 2 da EOI ou 3º curso do plan vello ou acreditación expedida polo Centro de Linguas da Universidade de Vigo)

Goethe Institut Zertifikat

Francés, nivel B1:

Marco Común Europeo de Referencia: nivel B1 (nivel intermedio 2 da EOI ou 3º curso do plan vello ou acreditación expedida polo Centro de Linguas da Universidade de Vigo)

TCF: nivel 2 (Test de Connaissance du Français)

DELF B1

Os/As estudantes que non presenten ningunha destas certificacións deberán realizar as probas de idioma (inglés, alemán e/ou francés) que serán organizadas pola ORI en colaboración co Centro de Linguas da Universidade de Vigo.

Para a realización das probas de acreditación de nivel, os/as interesados deberán facer un ingreso de 15 euros na seguinte conta, pondo como concepto "acreditación de nivel de linguas Erasmus":

Banco de Santander

0049 6141 98 2510007984

O/a estudante deberá presentar o resgardo do ingreso efectuado xunto coa solicitude.

A data de realización das probas escritas terá lugar o día **25 de febreiro de 2011**. Anunciaranse a hora e o lugar exactos nos distintos campus na páxina web da ORI.

Están exentos de realizar estas probas:

- Os/As estudantes que só soliciten destinos nos que non sexa preciso o coñecemento destas linguas (inglés, francés ou alemán). Valorarase a presentación de coñecementos destes outros idiomas.
- Os/as estudantes das seguintes Escolas ou Facultades:

Ourense:

- Facultade de Ciencias
- Facultade de Historia

Pontevedra:

- E.U. Fisioterapia

Vigo:

- E.T.S. Enxeñaría Industrial (agás destinos que precisan xustificar coñecementos como aparece na relación de prazas).
- Facultade de Filoloxía e Tradución.

6- Sesións de información

A ORI, en colaboración cos responsables de Relacións Internacionais dos centros da Universidade de Vigo, organizará sesións de información sobre a convocatoria que terán lugar os días que se citan, por campus e centros:

- 7 de febreiro de 2011:

Para o estudantado da E.T.S.E. Industriais, E.T.S.E. de Telecomunicación e a E.T.S.E. de Minas. No Salón de Actos. E.T.S.E. Industrial, ás 12:00 horas.

- 9 de febreiro de 2011:

Para o estudantado do Campus de Pontevedra, na Facultade de Belas Artes, no Salón de Actos, ás 12:30 horas.

- 10 de febreiro de 2011:

Para o estudantado dos centros de Vigo, cidade: o estudantado da Escola Universitaria de Estudos Empresariais, da Escola Universitaria de Enxeñaría Técnica Industrial, no Salón de Actos da Escola Universitaria de Enxeñaría Técnica Industrial, ás 09:00 horas.

Para o estudantado das Facultades de Química, Bioloxía e Ciencias do Mar. No Salón de Actos da Facultade de Ciencias Experimentais, ás 12:30 horas.

- 11 de febreiro de 2010:

Para o estudantado da Facultade de Ciencias Económicas e Empresariais e de Ciencias Xurídicas e do Traballo, no Salón de Actos da Facultade de Ciencias Económicas e Empresariais, ás 13:00 horas.

- 14 de febreiro de 2011:

Para o estudantado da Facultade de Filoloxía e Tradución, no Campus de Vigo. No Salón de Actos, ás 12:30 horas.

- 15 de febreiro de 2011:

Para o estudantado do Campus de Ourense. Na Aula Magna da Facultade de Ciencias Empresariais e do Turismo, ás 09:30 horas.

7.-Tramitación

A ORI enviará aos/ás responsables de relacións internacionais dos centros respectivos as solicitudes presentadas para que en cada centro se efectúe a selección dos/as bolseiros/as segundo os criterios establecidos por cada centro.

A selección dos/as estudantes realizarase nos centros, polas comisións establecidas a este efecto e será notificada á ORI.

8.- Resolución e notificación

En cada centro publicárase unha relación provisional de bolseiros/as seleccionados/as e concederase un período de reclamación de 10 días.

Os/As responsables de relacións internacionais dos centros remitirán á ORI as listaxes completas dos/as estudantes seleccionados/as (nome e apelidos, DNI, destino adxudicado e duración da estada).

O Vicerreitor de Relacións Internacionais, á vista da proposta feita pola ORI fará pública unha resolución motivada co nome dos/as seleccionados/as e dos/as suplentes, podendo ser recorrida esta perante do mesmo órgano que ditou a resolución.

9.- Obrigas dos/as seleccionados/as

9.1. Os/as seleccionados/as deberán manifestar a súa aceptación ou renuncia por escrito na ORI nun prazo dun mes.

Os destinos vacantes seralles adxudicados directamente aos/ás suplentes sen que se produzan modificacións nas prazas xa asignadas e aceptadas polo/as solicitantes seleccionados/as.

9.2. Os/As bolseiros/as realizarán os trámites de matrícula correspondentes na Universidade de Vigo, estando exentos do pagamento de taxas na universidade de destino.

9.3. Os/As seleccionados/as deberán entregar na ORI a documentación requirida para xustificar a duración da súa estada:

- Ficha de datos do/a estudante.
- Contrato financeiro entre a Universidade de Vigo e o/a bolseiro/a
- Ficha de perceptores de pagos da Universidade de Vigo
- Certificado de chegada e de finalización da estada
- Aviso de recibimento das axudas
- Enquisa de avaliación
- Autorización de uso de datos (voluntario)

A ORI entregará aos/ás seleccionados/as a ficha de datos do/a estudante, o contrato financeiro e o acuse de recibimento das axudas. O resto da documentación atopase na páxina web da Oficina de Relacións Internacionais (<http://internacional.uvigo.es>)

10.- Revogación

No caso de que non se leve a cabo a estada ou parte dela, sen causa xustificada, ou non se entregue a documentación solicitada, o/a bolseiro/a deberá devolver a conta íntegra ou parcial da bolsa. A Universidade de Vigo reservárase o dereito a reclamar o importe da axuda, polo incumprimento das bases desta norma.

A concesión da bolsa Erasmus queda pendente de aprobación da Unión Europea das prazas de mobilidade de estudantes solicitadas pola Universidade de Vigo para o curso 2011-12 e da aceptación na universidade de destino do/a estudante.

Contra esta Resolución, que esgota a vía administrativa, poderá interpoñer recurso ante a xurisdición contencioso-administrativa, no prazo de dous meses contados desde o día seguinte á súa publicación de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Así e todo, o interesado poderá optar por interpoñer conta esta resolución recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a dictou. Neste caso non caberá a interposición do recurso contencioso-administrativo antes citado, namentres non recaia resolución expresa ou presunta do recurso de reposición, de acordo co disposto na Lei 4/1999, do 13 de xaneiro, modificadora da Lei 30/1992, do 26 de novembro, de réxime xurídico das administracións públicas e do procedemento administrativo común.

Universidade de Vigo

O REITOR

Por Delegación (R.R. do 24/06/2010)



O vicesreitor de Relacións Internacionais

Marta J. Fernández Iglesias

DILIXENOA para facer constar que esta Resolución publícase con esta data no taboleiro desta Universidade de Vigo, 8 de febreiro de 2011

A secretaria do vicesreitor de Relacións Internacionais
Henri Quintas Salgado